

**DEWAN RAKYAT
PEMBERITAHUAN PERTANYAAN
MESYUARAT KEDUA, PENGGAL KEDUA
PARLIMEN KETIGA BELAS
(2014)**

PERTANYAAN : LISAN

DARIPADA : YB DATO' DR. MANSOR BIN OTHMAN
[NIBONG TEBAL]

TARIKH : 17 JUN 2014

SOALAN :

Dato' Mansor bin Othman [Nibong Tebal] minta **PERDANA MENTERI** menyatakan sama ada wang zakat boleh dimanfaatkan bagi membiayai program mikro kredit kepada peniaga-peniaga kecil untuk kepentingan pembangunan ummah.

JAWAPAN: (YB MEJAR JENERAL DATO' SERI JAMIL KHIR BIN HAJI BAHAROM (B), MENTERI DI JABATAN PERDANA MENTERI)

Tuan Yang di-Pertua,

Sebagaimana Ahli Yang Berhormat sedia maklum, di bawah Butiran 1, Senarai 2, Jadual Kesembilan, Perlembagaan Persekutuan, hal-ehwal Agama Islam termasuklah urusan zakat terletak di bawah bidang kuasa Kerajaan Negeri. Sehubungan itu, persoalan **sama ada wang zakat boleh dimanfaatkan bagi membiayai program mikro kredit kepada**

peniaga-peniaga kecil perlu dirujuk kepada pihak berkuasa agama negeri masing-masing.

Di Wilayah Persekutuan, Majlis Agama Islam Wilayah Persekutuan (MAIWP) tidak menyediakan bantuan berbentuk mikro kredit sebaliknya menawarkan beberapa bentuk bantuan bagi membantu mereka. Ini kerana Mesyuarat Jawatankuasa Perundingan Hukum Syara' Wilayah Persekutuan Kali ke-59 bertarikh 6 Mei 2002 yang dipengerusikan oleh Pengerusi Jawatankuasa Hukum Syarak Wilayah Persekutuan yang juga Mufti Wilayah Persekutuan, telah memutuskan:-

'Mesyuarat juga tidak bersetuju membuat keputusan dasar bagi membolehkan wang zakat digunakan sebagai pinjaman'.

MAIWP sebagai agensi yang bertanggungjawab dalam melaksanakan program agihan zakat untuk membantu golongan asnaf di Wilayah Persekutuan, telah menyalurkan bantuan zakat menerusi 28 skim bantuan yang merangkumi pelbagai aspek keperluan termasuk aspek keusahawanan. Antara skim-skim bantuan berbentuk keusahawanan tersebut adalah **Bantuan Perniagaan** yang disalurkan dalam bentuk modal dan peralatan, **Bantuan Pertanian** dan **Bantuan Deposit Sewa Beli Teksi.**

Sekian, terima kasih.